



Pou Piblikasyon Imedya: 15/11/2021

GOUVÈNÈ KATHY HOCHUL

GOUVÈNÈ HOCHUL ANONSE ACHÈVMAN PWOJÈ REZISTANS KI KOUTE 7.58 MILYON DOLA SOU BÒ DLO LAK ONTARIO NAN KONTE WAYNE

Pwojè a ranplase enfrastrikti dlo lapli sou Wickham Boulevard ak Greig Street pou diminye risk inondasyon ak amelyore kalite dlo Bè Sodus la

Fè pati Inisyativ Rezistans ak Devlopman Ekonomik Eta a

Pwojè Rezistans ak Inondasyon 342,000 dola Lakestones Drive la pral estabilize litoral la ak fòtifye enfrastrikti dlo ize vilaj la; diminye domaj alavni ak pwoteje sante piblik la

Foto yo pou pwojè a [isit la](#)

Gouvènè Kathy Hochul te anonse jodi a achèvman yon pwojè [Inisyativ Rezistans ak Devlopman Ekonomik](#) (Resiliency and Economic Development Initiative, REDI) nan vilaj Sodus Point, Konte Wayne. Vilaj la se yon destinasyon ki popilè pou kanotye, ki atire vizitè ki soti nan tout eta a. Pwojè 7.58 milyon dola ki te jwenn finansman sibvansyon REDI ak fini nan Wickham Boulevard ak Greig Street pral pwoteje zòn piblik, biznis ak kay yo kont inondasyon alavni epi bay opòtinite Iwazi siplemantè ak pwoteje endistri touris enpòtan kominote sa a.

"Eta New York angaje pou li ranfòse enfrastrikti rezistan ki pral ede anpeche inondasyon nan kominote bò dlo nou yo", **Gouvènè Kathy Hochul te deklare.** "Pwojè rezistans nan Wickham Boulevard ak Greig Street nan vilaj Sodus Point lan pral ogmante mezi pwoteksyon kont inondasyon ak amelyore rezistans sou rivaj la pou ede pwoteje biznis ak rezidan yo ak amelyore sekirite piblik la. Amelyorasyon enfrastrikti enpòtan pou amelyore kalite lavi ak sekirite ak avanse efò nou yo pou rebati pi byen ak ranfòse ekonomi an pou lavni."

Vilaj Sodus Point te fini inisyativ rediksyon inondasyon nan Wickham Boulevard ak Greig Street la avèk sipèvizon Depatman Deta (Department of State, DOS) a. Pwojè a ranplase ak elaji enfrastrikti dlo lapli sou Wickham Boulevard ak Greig Street pou diminye risk inondasyon ak amelyore kalite dlo nan Bè Sodus la. Nouvo sistèm lan pral transpòte dlo lapli yo nan soti avèk vân a wobinè yo ki pral redui kantite sediman ak debri k ap antre nan bè a. Anplis de sa, pwojè a te enstale ponp pèmanan pou jere dlo lapli pandan evènman meteyo vyolan yo ki vini ak nivo dlo wo nan Lak Ontario a.

Pwojè a genyen ladan tou yon dig sou Wickham Boulevard la pou pwoteje wout la kont enpak vag yo sou rivaj la. Dig la pral bay yon nouvo zòn detant pou vizitè yo sispann ak admire vi panoramik Bè Sodis la. Amelyorasyon siplemantè yo gen ladan nouvo pave, rigòl, bòdi, twotwa pou amelyore koneksyon ant biznis yo ak katye rezidansyèl yo, sa k ap ankouraje transpò aktif ak amelyore eksperyans pyeton yo.

Gouvènè Hochul te anonse tou kòmansman konstriksyon twazyèm nan kat pwojè ki te akòde ak vilaj Sodus Point. Lakestones Drive sitiye sou rivaj sid Lak Ontario. Nivo dlo wo ak vag ke dlo lapli vyolan pote te lakòz gwo ewozyon sou rivaj la ak pwopriyete toupre yo, sa ki mete kay yo andanje ak inonde egou sanitè yo nan zòn lan. Komisyon REDI a te bay vilaj la 342,000 dola pou ede rezoud ewozyon sou rivaj la ak pou fòtifye enfrastrikti dlo ize nan lwès Lakestones Drive ak sou li. Pwojè a gen ladan rekonstriksyon egou sanitè a pi lwen rivaj la ak estabilize anviwon 290 pye bò rivaj Lak Ontario a nan enstale gwo kouch wòch karapas. Efò sa yo pral ranfòse efò rediksyon inondasyon pase nan vilaj la, sa gen ladan plasman wòch, mòso wòch, ak baryè an beton pou pwoteje rivaj la kont lòt ewozyon ak anpeche egou sanitè a pou li pa tonbe.

Sekretè Deta New York la, Rossana Rosado, te deklare, "Eta New York rete angaje pou ede kominote yo sou Lak Ontario a revitalize bò dlo yo a epi ranfòse rezistans kont inondasyon alavni. Depatman Deta fyè pou li te travay avèk Vilaj Sodus Point ak otorite eli li yo pou amelyore enfrastrikti dlo lapli publik la ak ewozyon sou rivaj ozalantou Sodus Point Beach. Amelyorasyon sa yo pral ankouraje touris ak ranfòse ekonomi lokal la, sa k ap benefisyé rezidan yo nan Sodus Point ak anpil vizitè li yo".

Komisè Depatman Konsèvasyon Anviwònmantal (Department of Environmental Conservation, DEC) Eta New York la ak Ko-Prezidan Komisyon REDI a, Basil Seggos, te deklare, "Eta New York ap fè envestisman pou plizyè jenerasyon pou ogmante kapasite kominote yo nan tout Lak Ontario a ak Rivyè St. Lawrence lan pou pwoteje enfrastrikti enpòtan ak resous lokal yo kont tanpèt vyolan ak dlo wo. Anons jodi a nan vilaj Sodus Point lan demonstre angajman dirab Eta a pou amelyore rezistans kominote a atravè Inisyativ Rezistans ak Developman Ekonomik (Resiliency and Economic Development Initiative, REDI) la. Eta New York ap travay men nan men avèk kominote ki gen tandans inonde yo tankou vilaj Sodus Point lan pou amelyore enfrastrikti, pwoteje resous kominote a ak ankouraje developman ekonomik".

Prezidan ak Direktè Egzekitif Jeneral Otorite Dòtwa nan Eta New York la, Reuben R. McDaniel III, te deklare, "Travay k ap fèt nan Sodus Point lan ak nan kominote bò dlo yo atravè eta nou an vreman esansyèl pou pwoteje Nouyòkè yo kont enpak chanjman klimatik gen sou kominote, pwopriyete ak ekonomi yo. DASNY fyè pou li sipòte Gouvènè Hochul nan travay ki trè enpòtan sa a pou fòtifye New York kont menas ki gen rapò ak move tan".

Senatè Eta Pamela A. Helming te deklare, "Nou sèlman bezwen gade dènye inondasyon ki te frape anpil kominote nan rejon nou an pou nou sonje enpòtans pwojè enfrastrikti yo tankou sila a. Mwen remèsyé Dave McDowell ak vilaj la, epi patnè ajans eta a yo, pou travay yo nan fini pwojè sa ki pwoteje mèt kay yo ak biznis yo ak resous natirèl ki nesesè pou endistri touris lokal ak ekonomi an".

Manm Asanble Brian D. Manktelow te deklare, "Kòm yon kominate ki gide pa resous natirèl ki pi presye nou an, mwen kontan wè pwogram REDI a fini yon lòt pwojè ki pral pwoteje vil nou yo ansanm ak kalite dlo Bè Sodus la. Amelyorasyon yo ki te fèt nan Wickham Boulevard ak Greig Street pral ede pwoteje kay, biznis ak enfrastrikti yo nan ka ta genyen yon lòt inondasyon. Epitou, atravè enfrastrikti dlo lapli a k ap elaji, nou kapab ede kenbe Bè Sodus la pwòp pou zanmi ak fanmi nou pandan anpil jenerasyon alavni. Mèsi ak tout moun ki te enplike pou fè pwojè sa a tounen yon priyrite".

Majistra Sodus Point la Dave McDowell te deklare, "Achèvman pwojè sa a make yon etap enpòtan nan istwa vilaj sa a kòm yon kominate egzanplè ki pi rezistan. Youn ki pral kontinye ranfòse ak grandi amezi bezwen sitwayen li yo ak anviwònman an ap divèsifye. Pwojè sa a non sèlman te entegre pi bon pratik jesyon pou dlo lapli, men tou anbelisman ak amelyorasyon pou pyeton ki te rekòmande nan Plan Transpò Aktif 2019 la. Pandan mwen espere pa janm gen pou limen ponp yo akòz sitiayson gwo dlo, mwen konfyan ke nou te fè tout sa ki nan pouvwa nou pou asire kominate a pa soufri menm jan sa te ye pandan taktik presedan nou yo pou anpeche inondasyon. Se onè mwen pou m travay avèk Eta New York ak pwofesyonèl lokal yo pou fini pwojè a pou kominate sa a".

Nan repons ak chema inondasyon pwolonje nan tout bò rivaj Lak Ontario ak Rivyè St. Lawrence yo, Eta New York te kreye REDI a pou ogmante rezistans kominate sou rivaj yo epi estimile developman ekonomik nan rejyon an. Yo te etabli senk (5) Komite Planifikasyon Rejyonal (Regional Planning Committees) REDI yo, ki gen reprezantan ki soti nan uit (8) Konte (Niagara ak Orleans, Monroe, Wayne, Cayuga ak Oswego, ak Jefferson ak St. Lawrence) pou idantifye priyrite lokal yo, enfrastrikti ki gen risk ak lòt resous yo, ak enkyetid konsènan sekirite publik la. Atravè REDI a, Eta a te angaje jiska 300 milyon dola a, pou benefisyé kominate yo ak amelyore rezistans nan rejyon ki gen tandans sibi inondasyon olon Lake Ontario ak St. Lawrence River yo.

Depi kreyasyon pwogram REDI Eta a nan sezon Prentan 2019 la, 134 pwojè lokal ak rejyonal REDI finanse yo kòmanse, sa ki gen ladan 83 pwojè nan faz konsepsyón, 21 pwojè nan faz konstriksyon ak 30 pwojè ki fini.

Pou plis enfòmasyon sou pwojè REDI Sodus Point yo ak lòt pwojè REDI yo nan Rejyon Konte Wayne a, tanpri klike [isit la](#).

###